

Naalakkersuisut siulittaasuut
Landsstyreformanden

Inatsisartunut ilaasortaq Lene Knüppel
c/o Inatsisartut Allattoqarfiat
Maani

Nunaqarfiit pillugit 2006-imi isumasioqatigiinnissaq pillugu § 36 imm. 1 - apeqquteqaat

7. juni 2006
J.nr. 03.12

Ulloq 29. maj 2006-imi Inatsisartut suleriaasianni § 36, imm. 1 naapertorlugu nunaqarfiit pillugit 2006-imi isumasioqatigiinnissap pilersaaruserianeranut atatillugu siunnersortinik isumaqatigiissutinik atorunnaarsitsisarneq isumaqatigiissusiortarnerlu pillugit Naalakkersuisunut apeqquteqaateqarputit.

Postboks 1015
3900 Nuuk
Oq/tel +299 34 50 00
Fax +299 32 50 02
govsec@gh.gl
www.nanoq.gl

Apeqquteqaatigineqartut ataasiakkaat kinguliini akissuteqaatigiffigis-savakka:

- 1. Januaarimi Naalakkersuisut Toornaq Consulting ApS-imi atsioqatigiinnikkut isumaqatigiissutaata atorunnaarsinnera, siunnersuisartup tungaaniit pisussaaffimmik sumiginnaanermik peqquteqannginnera, Naalakkersuisunit ilumoornerarneqarsinnaava?*

Paasissutissiissutigineqarsinnaavoq Toornaq Consulting ApS-ip aamma Naalakkersuisut Allattoqarfiata akornanni januarimi 2006-imi isumaqatigiissutaasoq atorunnaarsinneqarmat illuatungeriinnit isumaqatigiissuteqar-nikkut. Januarimi 2006-imi isumaqatigiissutip atorunnaarsinnissaannik isumaqatigiissut Toornaq Consulting ApS-ip tungaaniit naammassinninngit-suineramik pissuteqanngilaq.

- 2. Naalakkersuisut Toornaq Consulting ApS-imi isumaqatigiissutaata atorunnaarsinnera, taamalu naapertuilluarnissamut atatillugu, isumaqatigiinnermik unioqqutitsinertut naleqarnera, Naalakkersuisunit ilumoornerarneqarsinnaava?*

Apeqqummut siullermut akissummi soorlu taaneqartoq januarimi 2006-imi isumaqatigiissummik tassumunngalu piumasaaqaataasunik atorunnaarsitsinissamik Toornaq Consulting ApS-ip Naalakkersuisullu Allattoqarfiata akornanni isumaqatigiittoqarpoq. Atorunnaarsitsineq taamaalilluni eqqartuussissuserinerup tungaatigut isumaqatigiissummik unioqqutitsinerunngilaq.

3. *Naalakkersuisut siulittaasuata oqarsimanera Kalaallit Nunaata Radioaviisiata pingasunngornermi 24. maj issuarpa, Toornaq Consulting ApS-imik isumaqateqarsimaneq pisimasoq, suli aningaasanut inatsisissaq akuerineqanngitsoq, taamaattumillu taamanikkut isumaqatigiissusiorneq inatsisinut akerliusoq.*

16. maj Naalakkersuisut siulittaasuata ataani atsiortumut akissummini, Naalakkersuisut siulittaasuata oqaatigaattaaq, "2006-mut Inatsisartut aningaasanut inatsisissaata Inatsisartunit akuersissutigineqarnissaa innimigalugu", Naalakkersuisut allaffeqarfia isumaqatigiissusiorsimasoq.

Kalaallit Nunaata Radioaviisia Naalakkersuisut siulittaasuannik paatsoorsimava?

Toornaq Consulting ApS-imik isumaqatigiissutip atorunnaarsinnissaanut isumaqatigiissummi piunasaqaataasut pillugit, ullormi 24. maj 2006-imi KNR Radioavisimut oqaaseqaatinnut aallaaviusut, uannut apuunneqarniarneranni uagut akornatsinni paatsuisoqarsimasoq oqaatigisariaqarpoq.

4. *Naalakkersuisut siulittaasuata oqarsimanera Kalaallit Nunaata Radioaviisiata pingasunngornermi 24. maj issuarpa, atsaat ullumi ullup qeqqanut radioaviisimi siulittaasup tusarsimagaa, Toornap isumaqatigiissuteqarfigineranut taamaatitsineq Namminersomerullutik Oqartussanut 80.000 koruuninik akeqarsimasoq.*

16. maj Naalakkersuisut siulittaasuata ataani atsiortumut akissummini, Naalakkersuisut siulittaasuata oqaatigaattaaq, "isumaqatigiissuteqarnerup taassuma katillugu aningaasartuuteqarfigissagaa katillugu 80.000 koruuninik."

Kalaallit Nunaata Radioaviisia Naalakkersuisut siulittaasuannik paatsoorsimava?

Immikkoortup 3-p ataani oqaatigineqartutuut Toornaq Consulting ApS-imik isumaqatigiissutip atorunnaarsinnissaanut isumaqatigiissummi piunasaqaataasut pillugit, ullormi 24. maj 2006-imi KNR Radioavisimut oqaaseqaatinnut aallaaviusut, uannut apuunneqarniarneranni uagut akornatsinni paatsuisoqarsimasoq oqaatigisariaqarpoq.

5. *Naalakkersuisut isumaqarpat, suliffeqarfiup taassuma (Toornaq Consulting ApS), Naalakkersuisut isumaqatigiissuteqarfigeqqaagaata, suliassaq naammaginartumik naammassisinnaasimassagaluaraa?*

Naliliiffigineqarpoq Toornaq Consulting ApS-ip suliassamik naammaginartumik naammassinninnissamut suliassanut tunngasutigut pisariaqartunik piginnaaneqartoq.

6. Naalackersuisunit Toornaq Consulting ApS-ip isumaqatigineranut pisussaajunnaarsitsineq, Arctic Innovators ApS-imillu isumaqatigiissusiorneq ileqqaagaqarfiusimava?

Naagga. Toornaq Consulting ApS-ip Naalackersuisullu Allattoqarfiata akornanni januarimi 2006-imi isumaqatigiissummik atorunnaarsitsinissaminnik isumaqatigiinneratigut tamatumalu kingorna Arctic Innovators ApS-imik isumaqatigiissuteqarneratigut anguniagaavoq qulakkeerumallugu nunaqarfiit pillugit 2006-imi isumasioqatigiinnissaq pitsaanerpaanik sinaakkusiorneqassasoq tunngavissiorneqassasorlu. Isumaqatigiissutikkut anguniarneqanngilaq aningaasanik sipaarniarnissaq. Suut aallaaviusimanersut pillugit takoqquneqarpoq imm. 7-imut akissut.

7. Isumaqatigiissummik atorunnaarsitsinissamut suliniut allaffeqarfimminngaaneerpa imaluuniit politikerit tungaaneerpa (Naalackersuisut Siulittaasuut)?

Januarimi 2006-imi isumaqatigiissutaasumik atorunnaarsitinissamik Toornaq Consulting ApS-ip aamma Naalackersuisut Allattoqarfiata akornanni isumaqatigiissut aallaaveqarpoq KANUNUPE-mi siulittaasuannit kissaatigineqarmat 2004-imi nunaqarfiit pillugit isumasioqatigiinnermik aaqqissuussisut massakkut aamma atorneqassasut.

Ukiut arlallit allortarlugit nunaqarfiit pillugit isumasioqatigiittoqartarpoq. Nunaqarfiit isumasioqatigiinnerinnaanani aammattaaq Naalackersuisut isumasioqatigiiffigisarpaat. Isumaga naapertorlugu KANUNUPE annertunerpaamik periarfissittariaqarpoq isumasioqatigiinnissap piareersarnerani kiisalu sunik isumasioqatigiinneq eqqartuiffiussanersoq kissaatinik aalajangersaanermi peqataanissaminut.

Arctic Innovators ApS-ip isumasioqatigiinnissamik aaqqissuussinissaanik KANUNUPE-p tulluartumik tunngavilersorluakkamillu qinnuteqaataanik itigartitsineq isumaga naapertorlugu kukkuluttornerussaaq kinguneriinnassallugulu nunaqarfiit pillugit isumasioqatigiinnissap qiimaatsumik aallartinnerlunnermillu ingerlanneqalernissaa. 2004-mi nunaqarfiit pillugit isumasioqatigiinneq Arctic Innovators ApS-ip aamma aaqqissuussisuuvoq.

Kommunik aaqqissuusseqqinnissaq 2006-imi nunaqarfiit pillugit isumasioqatigiinnissami qitiutillugu sammineqartussaavoq. Naliliinera naapertorlugu pisariaqarluinnartuuvoq kommunik aaqqissuusseqqinnissap isumasioqatigiinnermi iternga tikillugu oqallisigineqarnissaa. Pingaaruteqarportaaq oqallinnerit taamaattut ingerlanneqassasut KANUNUPE-mut nunaqarfinnullu tatiginninnikkut ataqqinninnikkullu.

Inatsisartuni, Naalackersuisuni kiisalu kommunalbestyrelsini ataasiakkaani kommunenik aaqqissuusseqqinnissaq pillugu suleqqinnissami nunaqarfiit pillugit isumasioqatigiinnermi oqallinnerit ilaatinneqarumaarput.

8. *Naalackersuisunit ilumoornerarneqarsinaavaa, aqutsisoqarfimmi piviusorsiornermik nalinginnaasumik piunasaqarneq, aamma aqutsisoqarfiup namminersortunut naapertuilluarnissaminut aalajangiinnermini atortussaagaa, soorlu sullissisussanik pisinnermini aammalu kiffartuussinissamat tuniniaasunik qinersinnermi?*

Aap.

9. *Naalackersuisut nalinginnaasumik pisussaaffigaat akiligassat soqutiginnissaat, taamaattumillu isumaqatigiissutip taamaatinnera Namminersornerullutik Oqartussanut 80.000 koruuninik akiligassaqarfiusussanngussappat, isumaqatigiissummik taamaatitsineq pingaartorujussuarnik pissutissaqarnissaa, Naalackersuisunit ilumoornerarneqarsinnaava?*

Uppernarsarsinnaavara Naalackersuisut nalinginnaasumik pisussaaffeqarmata aningaasartuutaasussat eqqarsaatiginissaannut.

Inatsisartut 2006-mut aningaasanut inatsisaanni kontomi pingaarnermi 10.01.08-mi, Nunaqarfiit Pillugit Isumasioqatigiinneq, kr. 1,5 mio. immikkoortinneqarput nunaqarfiit pillugit isumasioqatigiinnissamat atugassanik; nunaqarfiit pillugit isumasioqatigiinnissaq kommuninik aaqqissuusseqqinnermut Aaqqissuusaanermut Isumalioqatigiissitap 2004-mi 2005-imilu piareersagaanut atatillugu nunaqarfiit siunissaat pillugu apeqqutit ajornartorsiutillu eqqartorneqarnissaat pingaarnertut siunertaralugu pilersaarusiorneqarpoq.

Nalilerpara Naalackersuisut pingaarnertullugu pisussaaffigigaat isumagissallugu nunaqarfiit pillugit isumasioqatigiinnissap ingerlanneqarnissaa. Naalackersuisut pisussaaffigaattaq kommuninik aaqqissuusseqqinnissamik sinaakkusiussalluni kiisalu taassuminnga sukumiisumik matussusiisumillu oqallitsitsinissamat, taamaasilluni kommuninik aaqqissuusseqqinnissamik Inatsisartuni, Naalackersuisuni kommunalbestyrelsinilu ataasiakkaani kiisalu nunaqarfiit aqutsisuini suleqqinnissamat annertunerpaamik isummersuutininik eqikkaanernillu pissarsiffiuniassammat.

Nalilerpara anguniakkat tamakku eqquutinneqassappata ilaatigut pisariaqartuusoq Naalackersuisut KANUNUPE-mut nunaqarfinnullu tusaaniarnissaat taakkualu isumasioqatigiinnissap piareersarnerani pilersaarusiorneqarnilu ilaatinneqassasut.

Tamanna tunulequtaralugu nalilerpara aningaasartuutissat pisariaqartumik eqqumaffigineqartut nunaqarfiit pillugit isumasioqatigiinnermik kingullermik aaqqissuisuusut taakku aamma sulisinneqarnissaasa KANUNUPE-p siulittaasuata kissaataanik naapitseriaanikkut.

10. Isumaqatigiissummik atorunnaarsitsinermut suut soqutigisat tunuliaqutaappat?

Apeqqutinut 7-mut aamma 9-mut akissutit innersuussutigineqarput.

11. Nunaqarfimmiut ataatsimeersuarnissaannut siunnersuisimasoq, suliassallu assinginik 2004-mi suliaqarsimasoq, suna pillugu aallaqqaataaniilli Naalakkersuisut Allaffeqarfianinninngaaniit neqeroortinneqarsimannginneranut, suna peqqautaava?

Naalakkersuisut Allattoqarfiata nalilerpaa isumasioqatigiinnissami pingaernerutillugu sammisassaa, aaqqissuusseqqinnissaq, pissutigalugu pissusissamisuussasoq Toornaq Consulting ApS-imi siunnersuisartooq aalajangersimasoq sulisinneqarniassammat, taassuma Aaqqissuussaannermut Isumalioqatigiissitami ilaasortaanermigut aaqqissuuseqqinnissamik suliat ilisimasaqarfingereermagit taakkulu iluaqutigalugit isumasioqatigiinnissami aaqqissuusseqqinnissaq pillugu oqallinnissamut ilanngussaqaqluarsinnaammat.

12. Ilumoorpa Naalakkersuisut Toornaq Consulting ApS-imi isumaqatigiissusiunnginnermini siunnersuisartunit allanit neqeroorutinik noqqaasimanngitsaq?

Aap.

13. Apeqqut 12 ilumoorneqarnerarpat, paaserusunnarpoq, qanoq Naalakkersuisunit qulakkeerneqarsimanersoq, allanut naleqqiullugu neqeroorutip aalajangiussap akimigut unammillersinnaanera.

Naalakkersuisut Allattoqarfiata naliliinera tunngavigalugu, Toornaq Consulting ApS kisimi neqerooruteqartinneqarpoq, takuuk apeqqummut 11-mut akissut. Siunnersuisartut kiffartuussisarneranni akigititaasut iluarsivigineqarneq ajorput imaluunniit sulianik taamaatunik akigititaasartut allattorsimanatik. Taamaattumik ajornakusoorpoq naliliiffigissaallugu siunnersuisartut suliffeqarfinit neqeroorutit akimikkut unammillersinnaassuseqarnerisut.

Tamanna tunngavigalugu neqeroorut akuersaarneqarpoq.

14. Kalaallit Nunaata Radioaviisia malillugu Arctic Innovators ApS nunaqarfimmiut ataatsimeersuarnissaannut atatillugu suliaqarnerminut 264.000 koruuninik akilerneqassasoq.

Naalackersuisoqarfiup nammineerluni paasissutissiinera malillugu, suliasat ilagaat, pilersaarussianik aalajangersuineq, ataatsimeersuarnermi atortussanik suliaqarneq, ataatsimeersuarnermi aqutsineq taavalu ingerlanissap piareersarnera aqutsinerlu.

Siorna eqqartuussisoqarnerup ataatsimeersuartitsineranut, peqqinnissaqarfiullu ungasinngitsukkut pisortaminut Ilulissani ataatsimeersuartitsineranut naleqqiullugu avataaniit siunnersorteqarluni aaqqissuineq ingerlatsinerlu qanoq akeqarsimava?

Eqqartuussisoqarneq pillugu siorna ataatsimeersuartitsineranut avataaniit siunnersuisartunik pilersaarusiortitsineq ingerlatitsinerlu kr. 111.000-nik aningasartuuteqarfiuvoq. Ilulissani peqqinnissaqarfiup pisortanik qanittumi ataatsimiisitsinera avataaniit siunnersuisartunit pilersaarusioneqarnera ingerlanneqarneralu kr. 44.500-nik aningaasartuuteqarfiuvoq.

Eqqartuussiveqarneq pillugu ataatsimeersuartitsineranut aamma peqqinnissaqarfiup pisortanik ataatsimiitisinerata avataaniit siunnersuisartunit pilersaarusionerannut ingerlatinneqarnerannullu 2006-imi nunaqarfiit pillugit isumasioqatigiissitsinissami avataaniit siunnersuisartunit pilersaarusioneranut ingerlatinneqarnissaanullu aningaasartuutit sanilliunneqarsinnaanngitsut nalilerneqarpoq.

Eqqartuussiveqarneq pillugu ataatsimeersuarnermi peqqinnissaqarfiullu pisortanik ataatsimiisitsinerani avataaniit siunnersuisartunit suliasarineqartut 2006-imi nunaqarfiit pillugit isumasioqatigiinnissami avataaniit siunnersuisartut suliasaanut imminnut nallersuunneqarsinnaanattillu sanilliunneqarsinnaanngillat.

Ikinngutinnersumik inuulluaqqusillunga

Med venlig hilsen

Hans Enoksen